

官板

中外新報

千八百五十九年
咸豐九年十月

18

193

6



門 4 8
號 193
卷 6

中外新報第六號

一千八百五十九年
豐九月初一日刊

浙甯 應思理 撰

寧波

外國船向有運載華人至外為工願往者必自立書畫押
間或有就地匪徒強勒射利以致套袋之說紛播遐邇予
于前號已詳記之然或又云外國人所以販運華人者蓋
欲取華人之血以為鴉片夫鴉片非血所為中華台州亦
產鴉片懷是疑者盍向台人而問之乎摠之外國船運載
華人易致謠言紛起今外國官已立定例禁之以後若有
外國人私行是事擬行縊罪

昭和十五年
五月十一日
購求

又後有華人欲往外國，須自出船費，庶不妨事。前號所詳天津之事，內有數句塗抹，非所報之不寔也。因花旗人，或有不欲是事，著明覽者諒之。天津近亦有耗，然不關緊要，故不錄焉。

上海

上海近日宴安，商家貿易較隆，外國人僑寓者較前為多。前兩月，上海吳淞口有佛蘭西船載華人數十名，內有不願去者，輒思逃逸，時有數人被船主擊斃，又有數人淹水而斃。岸上人見之，傳言外國人強勒華人，以致洋涇濱匪徒聚而滋事，有過路英人被擊斃者一，被傷者二，英領事

當會道憲究治，屆今克手尚未拿獲。

廣東

兩月前，英人據廣省者，聞天津變事，恐廣人亦乘機而發，故添兵防守。現省城中英人約共有七千名，然廣人則毫無舉動，安好如初。

英自舊歲據守省城後，所有廣東船稅皆英取之，但船隻進口者寡，故所取無幾。今雖稍多，然終不如前之繁盛。又省城中貿易，今雖稍加，而較前亦寡。

安南

佛人與安南起釁緣由，詳見前號。近據香港新報，中有二

說一云佛人已與安南修好立約一云事尚未平佛人築
木炮臺據守安南都城又撥陸路兵三千五百名自安南
起程前赴天津水師與船隻談數不知若干一說未知孰
是然自安南以兵赴天津則固確事也

暹羅

暹羅有二君系出同胞長理國政次理兵務又有伯兄一
出家為僧長君宮中有女兵五百名以為禁衛亦以為嬪
嬙內立一人為后民較華人為黑風俗女卑於男男待女
賤如奴僕民間最敬僧人但僧有犯姦者必立斃之國中
多產米是以少乞食者二君頗賢智幼時有西人教以外

國文字及長故能言英語又外國一切機巧之事皆喜為
之十五年前彼之先君不願與外國通商故其國中無一
商船外國船亦無有至者迨二君踐祚喜與外人貿易時
見外國船利于航海遂購其一倣而造之今其國已有商
船百餘號火輪船亦約有十號故寧波上海福州等處多
有暹羅船進口所載貨物約有紅木白藤象牙長腰米居
多但其船工概用外國人因其國人猶未長於天文熟于
水道然近時亦有學之者

日本

前月間有峨人三名上岸買貨忽有日本人八名不知何
色人等

手持器械擊斃俄人二名、一人幸有居民救之、道回船後、告知大眾、次日早晨、俄有兵船七只、聚而停泊、以問是事、後聞其事、速經理明、

日本人現與外人通商、貿易殊盛、亦仿外國船式、造火輪船、凡一切機巧之事、皆能悉心學習、予思歐羅巴之西、有英吉利、亞西亞之東、有日本、歐羅巴機巧之事、皆創自英、邦、亞西亞機巧之事、將創自日本乎、又數年後、日本商船亦必徧行各處、以圖貿易、

新嘉坡

近有新報云、自新嘉坡至澳大利亞、已造電氣通標、明年

將自新嘉坡至香港、亦造是器、予知數年後、自英吉利至香港、電氣通標、陸續造成、雖隔有數萬里之遙、而通信移受、不時可至矣、

天竺

天竺四境又安、商家貿易亦皆興隆、英兵已有五千名、及兵船等在加爾各答、會城相近處、整頓齊備、將赴天津、但待英君御札一下、即日起程、

外國新聞

近來英國晏然無事、惟繕修器械、以備應變之資、七月廿八日、倫敦英京寄信、郵船起程、時猶未聞天津變故、予思

約八月初一日英人始知約復十日當有新報自倫敦來可以知天津之事如何辦理

英國兵船最多海中稱為雄長近來佛國兵船較英尤多英初不知今探得之稍有戒心然二國和好已久自今思之當無他患後則不知如何

英有最大火輪船約可容人十萬天下各國之船俱無其匹現在造成其費約計洋銀五百萬元近聞是船將載富者至花旗游覽

佛蘭西與澳地利現已罷兵修好諸國亦為之撤備其修好也二國之君各于馬上覲面自行立約澳君願割屬地

二送與佛蘭西佛轉送與撒耳地尼亞而其好始成是役也佛與澳大戰五六次死者約有八萬人澳兵雖衆不如佛兵之精以故屢戰屢北佛君每當逐北時問澳君願立和約否澳君始雖不願終亦無如之何佛有護駕兵最精自如習練善于戰鬥今與澳人接仗無戰不勝而其名大震

俄羅斯晏然無事祇圖富強其國各處建立市鎮以為貿易二年中曾出資與花旗人造大火輪船本國人亦造火輪船火輪車及電氣通標等具近聞將自本國京都至中華京都築火輪車路以便往來造通標以便寄信予思五



十年前，峨人猶愚而無能，今則智巧日開，因其君奮發，有為，凡裕國裕民之事，無不悉心為之，故其下化之，數年後，富强甲于天下，吾可于峨羅卜之。

數年前，花英佛三國人，將氣球拋于空中，使之乘風而去，以為嬉戲，其法球內有氣充足，不使稍洩，外有空中之氣，輔之，故能上騰。球內之氣，係人所為，其質輕于外氣，而上騰。後有智者，悟是球可以載人而上，以為有用之資，三四月前，有花人四名，以綢製一大氣球，形如袋，外傅以油，使內氣不出，外氣不入，袋外裹之以網，防其裂也，網下垂之以繩，繩端懸有一物，狀如船，內可容人，四人入之，騰空而上，高約三里。

逆邇而去，去之時，日方暮，少焉，月出，清光滿宇，江河城郭，歷歷見之，迨黎明時，不知所經者何地，遂使氣球稍低，俯問居民，移時至一城，乃素所認識者，于是將氣球復高，是時天朗氣清，風未大作，無何行，至數里，有一人欲下，爰將氣球復低，不料與地將近，忽遇大風，四人欲將球速高，以避風頭，無如球內洩氣太多，不能驟上，時恐觸地，以致敗壞，遂將船內物件盡行拋棄，因是球體稍輕，高騰少許，仍得乘風而去，後遇一大湖，濶約三百里，過時，適湖中風浪大作，繩下之船半被浪壞，其勢岌岌矣，然而船雖被壞，而球體則尤輕，故得復高少許，而行於空中，行時，湖面歷

過火輪船七隻見火輪船行一里而球則行五里迨至湖
旁遇有危石幸球尚未觸着但遇一木木而船下鐵錨是船
亦有被枝所壞過去復遇一木木枝粗約半尺餘斷而為
球下之繩糾纏乘勢拖去是時球復上升少許奈因枝重
而球旋低又遇一木木球遂為枝所壞內氣盡洩不能復
行而架于樹中四人居于球下網內如鳥之棲巢然後遂
緣木而下三人皆無恙惟一人身旁為枝所觸稍有傷痕
是行也約九時半路經三千四百五十里現今花人多將
是器仔細研究意欲乘之渡海約費二日之程以至大英
并期日後悟得透徹不拘駛往何處俱可如我之意如舟

揖然夫是器太小若干即可容人若干苟駛往可以如意
即可代兵船之用且軍中不必用炮而祇用彈丸足矣蓋
彈丸自上墜下其勢易甚予思若果如此遇攻戰時不徒
防敵自前來亦當防敵自天上来

硝皮說

西人之硝皮也軟而韌水不能入久而不敗其法將皮肉
始行剔盡或塩以石灰或浸以石灰水七八日以脫其毛
復浸以清水二日後出之去其垢于泥土中置一井方約
一丈深約一丈四圍砌之以板密而不漏復以鷄鵝鴨之
糞調水或狗糞亦可然後一層皮一層糞層層鋪于井中

滿而方止久之其皮自軟出而淨之復鋪于別井中井如前法將櫟樹皮燥而碎之每層以櫟樹皮碎襯于其中加之以水使沁入其皮或先以水浸櫟皮之碎祇以櫟皮汁流入井中亦可然櫟皮之性苦始流入時其汁不宜過苦蓋皮有毛孔過苦則毛孔塞不能透入故以漸苦方佳人若欲驗櫟皮汁透入與否可先以刀割皮少許見皮內之色皆紅則知其透入矣若稍有白色則知其尚未也然櫟皮浸後必至九月之久將皮取出置于空室中陰以燥之勿晒以日待燥後將木鏗敲之使之柔而堅然後染以黑色擦以油透其光此鞋上所用之皮也若用以為鞋底者櫟皮

汁必浸以年半出而置于空室中陰使之燥不必復加他法即可應用一法將皮先以太麥酵水浸之二日後復以櫟皮汁浸之使汁易入其法較美至于染黑之法不過以煤為之然皮不一類或牛或羊或犢犢與羊之皮可用于鞋上若鞋底則取乎牛皮此又不可以不辨予思華人若能取法其獲利也必厚現英國中有三大利一造呢布二鑄鉄三硝皮蓋皮之為用廣也

